



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

Für das Ohren schwären vnd eytern.

**urn:nbn:de:hbz:466:1-43769**

## Von allerhand Arzney/

Teutsch Tag vnd Nacht/ in die Ohren gelassen/ be-  
nimpt allen schmerzen darin.

### So ein Mensch nicht wol höret.

Item/ ein bewarte Salb/ die da allen gebresten der  
Ohren vertreibet/ vñ macht wider hören. Numb Alo-  
es 1 quintlin Mastix/ Kautensamē Senff/ Saffran/  
Nägelin/ jedes ein halbs quintlin/ Honig das sein ge-  
nug sey/ das thu in die Ohren mit einer Baumwoll.

Kautensafft mit Rindsharn vermischet/ vnd in die  
Ohren gethan/ hilfft wol.

Ephew safft mit Seisengallen vermischet/ vnd in die  
Ohren gelassen/ hilfft wol.

Item ein andre bewarte Salb/ so man drey od vier  
Dropffen in die Ohren thut/ Numb Rümlich/ Bitter  
Mandelöl/ jedes 2 quintlin/ weiß Tieswurz/ anderte  
halb quintlin/ Bibergeil 3 quintlin/ Essig das sein ge-  
nug sey/ das trenff in die Ohren/ es hilfft wol.

Entz gestossen/ vnd mit Rosenöl gemischet/ vnd in  
die Ohren gelassen/ macht hören.

Numb Strawenmilch/ Hauswurzsafft/ mische das  
vndereinander/ vnd thu es in die Ohren/ so wirst du  
wider hören.

Wachholder öl in die Ohren getrenfft/ macht wi-  
derumb hören.

Nessel safft mit öl gemischet/ vnd in die Ohren gelaß-  
sen/ macht hören.

Merzhench safft in die Ohren gethan/ macht wider  
hören/ es sol mit Salz gemischet sein/ vnd darnach  
gestossen.

Gundelreben safft in die Ohren gelassen/ macht wi-  
derumb hören.

### So einem Menschen die Ohren

schwären vnd Lnteren.

Zum ersten magst du oberlegen Arzney/ die da ein  
wang hawer sich treibt. als Hauswurz/ Nachtschato-  
rens



## Das Erste Buch.

xx

ten safft mit Rosenöl gemischer / vnd vbergelegt / doch  
so brauch nit starcke hinder sich treibung.

Du solt auch dem Brande geben alle morgen Viols  
syrup drey loht / mit Brunnenwasser.

Irem es ist auch gut / das du nimmest Rosmarin /  
vnd siedest den in Wein vnd Rosenöl / vnd geuß das in  
die Ohren.

Ein Salb gemacht von Kalbsmarck / Rindermarck  
vnd Galbano / jedes ein loht / vñ in die Ohren gethan /  
hilfft auch wol.

Kanst du das Geschwär höstlich auffthun / so thu es  
auff / wo aber nicht / so schütte hinein Lauchsafft / mit  
Honig vnd Salarmoniac gemischer / so bricht es auff /  
vnd geneußt der Stech.

Goldwurcz safft warm in die Ohren gelassen / zeucht  
heraus den Eytern darin.

Täschentkraut safft warm in die Ohren gelassen / ver-  
treibt das schwären vnd eytern.

Zwybel vnd Kautensafft gemischt mit Honig vnd  
Salz / warm in die Ohren gethan / vertreibt das Eyt-  
teren vnd schwären.

Hopffensafft warm in die Ohren gelassen / benimpt  
das Eytern vnd schwären.

Lauch gepulvert vnd gemischer mit Rosenöl / vnd  
Eßig / vnd in die Ohren gelassen / hilfft.

Merzhertch safft in die Ohren gelassen / benimpt dz  
schwären vnd Eytern.

Nachtschatten safft darein gethan / benimpt dz Eyt-  
teren vnd fließen.

## So ein Mensch Würm in den Ohren

hat / oder ihm etwas darein kommen ist.

Ob Würm oder Flöhe in den Ohren seind / so nimh  
Bilsensamen / vnd wütcke das in Wachs / vnd mache  
Lichtlin darauß / vnd zünds an / laß den Rauch in die  
Ohren gehen / so fallen sie heraus.

Wermuth